

Undanþáguheimildir.

71. gr.

Gisti- og veitingastaðaeftirliti ríkisins er heimilt að veita undanþágur frá ákvæðum um reglugerðar þessarar, þó því aðeins að því er varðar eftirtalin ákvæði:

Í 5. gr., um almennar setustofur.

Í 9. gr., um að kerlaug eða steypibað skuli fylgja hverju herbergi.

Í 11. gr., um að tvennar hurðir skuli vera milli svefnherbergis og hótalgangs, svo og í 43. gr., um sama efni, að því er varðar gistiheimili.

Í 12. gr. og 33. gr., um lengd og breidd rúma.

Í 13. gr., um síma og útvarp í hverju herbergi.

Í 15. gr., að snyrtiherbergi starfsfólks séu aðskilin frá snyrtiherbergjum gesta.

Undanþágur þær, sem hér um ræðir, séu því aðeins veittar, að um minni háttar rekstur sé að ræða og að sérstaklega standi á, að dómi gisti- og veitingastaðaeftirlitsins.

72. gr.

Reglugerð þessi öðlast þegar gildi.

Reglugerð þessi er sett samkvæmt lögum nr. 53 20. apríl 1963, um veitingasölu, gististaðahald o. fl., og birtist hér með til eftirbreytni öllum þeim, sem hlut eiga að máli.

Samgöngumálaráðuneytið, 30. júní 1964.

Ingólfur Jónsson.

Brynjólfur Ingólfsson.

R E G L U R

fyrir félagsheimili Skriðuhrepps í Eyjafjarðarsýslu.

1. gr.

Nafn félagsheimilisins er Melar.

Lóðin er eignarlóð 3400 m² að stærð, lögð til af Ungmennafélagi Skriðuhrepps.

Eigendur félagsheimilisins eru þessir:

Skriðuhreppur að 74/100,

Ungmennafélag Skriðuhrepps að 18/100,

Kvenfélag Hörgdæla að 8/100.

2. gr.

Húsnefnd (framkvæmdanefnd) kjörin árlega stjórnar félagsheimilinu. Hún er þannig skipuð, að stjórn hvers félags, sem er meðeigandi í félagsheimilinu, kys einn mann í nefndina. Varamenn skulu kjörnir á sama hátt. Húsnefnd skiptir sjálf með sér verkum. Hún skal halda nákvæma gerðabók um störf sín. Hætti félagsheimilið störfum, skal afhenda Þjóðskjalasafninu gerðabækur þess til vörzlu.

3. gr.

Húsnefnd heldur fundi, er þurfa þykir. Skylt er henni að halda fund, ef einn nefndarmaður óskar þess. Aðalfundur eigenda félagsheimilisins skal haldinn í janúar ár hvert. Skulu þangað kvaddir, með hæfilegum fyrirvara, stjórnendur allra

þeirra féлага, sem eru eigendur félagsheimilisins. Formaður húsnefndar boðar aðalfundi. Á fundinum skal húsnefnd leggja fram rekstrar- og efnahagsreikning félagsheimilisins fyrir síðastliðið ár, endurskoðaðan af endurskoðendum sveitarsjóðsreikninga. Einnig leggur hún fyrir fundinn fjárhagsáætlun fyrir félagsheimilið á yfirstandandi ári. Fjárhagsáætlunin skal gerð svo nákvæm, sem unnt er. Eigi má efna til verulegra útgjalda, nema samþykkt hafi verið á aðalfundi, eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað.

Reikninga og fjárhagsáætlun skal bera undir atkvæði fundarmanna.

Atkvæðisrétt á aðalfundi hafa:

Frá Skriðuhreppi 5 fulltrúar,

— Ungmennafélagi Skriðuhrepps 3 fulltrúar.

— Kvenfélagi Hörgdæla 3 fulltrúar.

Félagsstjórnir skýra frá því á aðalfundi, hvern þær hafa valið af sinni hálfu í húsnefnd fyrir yfirstandandi ár.

Afrit af reikningum félagsheimilisins skal senda félagsheimilaskjóði. Félagsheimilið skal reka sem sjálfstæða stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- a. Ráða húsörð. Setja honum starfsreglur og sjá um, að þeim sé fylgt.
- b. Ráða annað starfsfólk, ef aðalfundur telur það nauðsynlegt. Leita skal um-sagnar húsvarðar um ráðningu starfsfólks, eigi það að vinna undir hans stjórn.
- c. Ráðstafa félagsheimilinu til afnota fyrir eigendur og aðra.
- d. Ákveða gjöld fyrir afnot af húsinu.
- e. Annast kaup nauðsynlegra tækja og áhalda.
- f. Sjá um viðhald og endurbætur húseignar, húsbúnaðar og áhalda.
- g. Sjá um, að ræsting félagsheimilisins (húss og lóðar) sé jafnan í góðu lagi og gætt sé ýtrasta hreinlætis í umgengni.
- h. Sjá um, að húsið sé hæfilega hitað og lýst.
- i. Sjá um, að löggæzla sé á samkomum, ef þess er þörf.

5. gr.

Eigendur félagsheimilisins skulu eins og aðrir greiða leigu fyrir afnot hússins. Skylt er þeim að heimila félögum, er greinir í 1. grein laga nr. 47 1957, um félagsheimili, innan sama byggðarlags, afnot af húsinu gegn hæfilegu gjaldi, ef það brýtur eigi í bága við eðlilega þörf eigenda sjálfra fyrir húsið.

Verði ágreiningur um, hvort slíkt félag eigi rétt á afnotum af félagsheimilinu, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há, að nægilegt fé fáiast til þess að inna af hendi nauðsynleg gjöld, ef stofnuninni koma ekki aðrar tekjur.

7. gr.

Þess skal jafnan gætt, að húseignin, áhöld, húsbúnaður og allur fatnaður sé hæfilega váttryggður.

8. gr.

Félag, er heldur samkomu í félagsheimilinu, skal hafa þar gæzlumann af sinni hálfu. Skal húsverði tilkynnt, áður en samkoma hefst, hver sé gæzlumaður. Sé húsörður ekki við samkomuslit, skal gæzlumaður ganga á þann hátt frá húsinu, sem húsörður hefur lagt fyrir.

9. gr.

Að lokinni hverri notkun félagsheimilisins, skal húsvörður sjá um ræstingu þess, þ. á. m. að gólf séu þvegin með sápuvatni, salerni vandlega hreinsuð með sóthhreinsandi efni, fatageymsla og búningsherbergi ræst. Árlega skal fara fram gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri og skal húsnefnd sjá um, að hún sé jafnan vel hirt. Bifreiðastæði skal vera við félagsheimilið.

11. gr.

Húsvörður skal sjá um, að fánastöng við húsið sé jafnan í góðu lagi, fáni heill, með réttum litum og hlutföllum.

12. gr.

Árlega skal athuga húseignina alla með viðgerð fyrir augum. Einkum skal athuga múrhúðun, þak, þakrennur, niðurföll, hurðir og dyraumbúnað, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

13. gr.

Skemmdir á húseigninni, áhöldum og húsbúnaði, umfram eðlilegt slit, skal sá bæta, er húsið hefur til afnota, er skemmdirnar eru framar.

14. gr.

Á opinberum samkomum, sem haldnar eru í félagsheimilinu, má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu um tiltekinn tíma. En skylt er henni að tilkynna þeim brotlega þá ákvörðun bréflaga og gefa honum þá frest til að bæta ráð sitt.

15. gr.

Reglum þessum má ekki breyta, nema á aðalfundi félagsheimilisins, og því aðeins, að öll stjórnin sé mætt og ræður þá einfaldur meiri hluti.

16. gr.

Reglur þessar, sem settur eru með skírskotun til 8. gr. laga nr. 77 frá 5. júní 1947, um félagsheimili, og samþykktar af stjórn félagsheimilisins 2. febrúar 1964, staðfestast hér með af menntamálaráðuneytinu, og öðlast gildi nú þegar.

Menntamálaráðuneytið, 19. maí 1964.

Gylfi Þ. Gíslason.

Birgir Thorlacius.